

四庫全書

子部

# 欽定四庫全書

子部

御纂醫宗金鑑卷六十九

詳校官太醫院吏目<sub>臣</sub>宋桂

編修<sub>臣</sub>倉聖脈覆勘

總校官中書<sub>臣</sub>朱 鈐

校對官中書<sub>臣</sub>宋枋遠

謄錄監生<sub>臣</sub>王 焜

繪圖監生<sub>臣</sub>孫大儒

欽定四庫全書

御纂醫宗金鑑卷六十九

編輯外科心法要訣目錄

下部

懸癰

穿襠癰

跨馬癰

便毒

疳瘡

陰虱瘡

腎囊癰

腎囊風

婦人陰瘡

腎部

鵝口疽

坐馬癰

腎癰

上馬癰下馬癰

涌泉疽

臍毒

痔瘡

坐板瘡

御纂醫宗金鑑卷六十九目錄

欽定四庫全書

御纂醫宗金鑑卷六十九

編輯外科心法要訣

下部

懸癰

懸癰毒生會陰穴初如蓮子漸如桃三陰虧損濕熱鬱  
潰久成漏為瘡勞

註此證一名騎馬癰生於篡間係前陰之後後陰之

前屏翳穴即會陰穴係任脈經首穴也初生如蓮  
子微癢多痛日久炊腫形如桃李由三陰虧損兼  
憂思氣結濕熱壅滯而成其色紅作膿欲潰若破  
後潰深久則成漏以致瀝盡氣血變為瘡勞初起  
氣壯實尚未成膿小水澀滯者宜用九龍丹瀉去  
病根稍虛者仙方活命飲利去濕熱如法治之遇  
十證可消三四如十餘日後腫勢已成不能內消  
宜服托裏消毒散或托裏透膿湯自破如不破腫



高光亮脹痛者用卧鍼開之穢膿一出其腫全消者順朝服六味地黄丸午服十全大補湯溫補滋陰又有過食膏粱厚味氣實者初服龍膽瀉肝湯潰服滋陰八物湯又有房勞過度羸弱者初服八珍湯潰服十全大補湯脾虛不食六君子湯日久成漏者國老膏化湯送服琥珀蠟礬丸外治法按癰疽潰瘍門當戒房勞怒氣魚腥發物慎重調理

# 九龍丹

木香

乳香

沒藥

兒茶

血竭

巴豆

不去油

等分為末生蜜調成一塊磁盒收貯臨用時旋丸  
豌豆大每服九九空心熱酒一杯送下行四五次  
方食稀粥腫甚者間日再用一服自消

方歌

九龍丹醫懸癰毒初起氣實膿未成木香乳沒兒

茶竭巴豆蜜丸酒服靈

滋陰八物湯

當歸

生地黃

白芍藥

酒炒

川芎

丹皮

花粉 各一錢

澤瀉 五分

甘草節 一錢

水二鍾燈心五十寸煎八分食前服

大便秘者加蜜炒大黃一錢

方歌  
滋陰八物過膏梁懸癰已潰服此方  
四物丹皮花

粉瀉草節便秘加大黃

仙方活命飲

琥珀蠟礬丸

托裏消毒散

俱見腫瘍門

托裏透膿湯

見頭部侵腦疽

六味地黃丸

見面部雀斑

十全大補湯

八珍湯

六君子湯

即香砂六君子湯減去藿香砂仁俱見潰瘍門

龍膽瀉肝湯

見腰部經腰火丹

國老膏

見背部丹毒發

穿襠發

穿襠毒發會陰前憂思勞傷濕鬱源焮痛紅順塌陷逆腐深漏溺收斂難

註此證生於會陰穴之前腎囊之後由憂思勞傷濕

鬱凝結而成初起如粟漸生紅亮焮痛潰出稠膿

者順若起如椒子黑焦陷於皮肉之內漫腫紫暗  
並無焮熱痛連臑九及腰背肛門者逆此係皮囊  
空處凡生毒患宜速潰根淺但遇根深遲潰腐傷  
尿管漏溺不能收斂者至險內治按懸癰外治按  
癰疽腫瘍潰瘍門

跨馬癰

跨馬癰生腎囊旁重墜肝腎火濕傷紅腫焮痛宜速潰  
初清托裏勿寒涼

註

此證一名騙馬墜生於腎囊之旁大腿根裏側股縫夾空中由肝腎濕火結滯而成初如豆粒漸漸腫如鵝卵墮墜重色紅焮痛暴起高腫速潰稠膿者順若漫腫平塌微熱微紅潰出稀膿者險多成串皮漏證此處乃至陰之下醫治不可過用寒涼初宜服仙方活命飲消之次服托裏透膿湯既潰之後內外治法俱按癰疽潰瘍門

仙方活命飲

見腫瘍門

托裏透膿湯

見頭部  
侵腦疽

便毒

便毒生於腿縫間忍精瘀血怒傷肝堅硬木痛寒熱作  
初汗次下灸之瘥

註

此證又名血疔又名便癰無論男女皆可以生發  
於少腹之下腿根之上摺紋縫中經屬肝腎由強  
力房勞忍精不洩或慾念不遂以致精搏血留聚  
於中途壅遏而成或為暴怒傷肝氣滯血凝而發



初如杏核漸如鶩卵堅硬木痛微熱不紅令人寒  
熱往來宜荊防敗毒散汗之若煩躁作渴氣鬱者  
宜山甲內消散以消解之若過於堅硬太痛者宜  
紅花散瘀湯舒通之前藥用之不應者宜九龍丹  
攻之若無痛無熱則不可攻下宜陽燧錠日灸五  
七壯以或輒或消或潰為止膿勢將成不可強消  
宜黃耆內托散托之甚虛者托裏透膿湯既潰宜  
八珍湯十全大補湯補中益氣湯因證用之外用

五色靈藥撒之化腐煨膿魚琥珀膏萬應膏貼之  
生肌斂口斯證潰後即名魚口因生於摺紋縫中  
其瘡口潰太身立則口必合身屈則口必張形如  
魚口開合之狀故有魚口之名但此毒係忍精不  
洩怒氣傷肝而成至於生楊梅而魚有便毒者另  
詳註於楊梅門

紅花散瘀湯

紅花

當歸尾

皂刺 各一錢

生軍 三錢

連翹 去心

蘇木

穿山甲 炙研

石決明

殭蠶 炒

乳香

貝母 各一錢  
去心研

黑牽牛 二錢

酒水各一鍾煎八分空心服行五六次方食稀粥

補之

方歌紅花散瘀消堅硬便毒初起腫痛添歸刺軍翹蘓

木甲石決殭蠶乳貝牽

黃耆內托散

黃耆

二錢

白朮

一錢  
土炒

當歸

川芎

各二錢

金銀花

皂刺

天花粉

各一錢

澤瀉

甘草

各五分  
炙

水二鍾煎八分食前服

方歌

黃耆內托醫便毒腫盛不消托潰良白朮歸芎銀

皂刺天花瀉草力同助

荆防敗毒散

見項部  
腦疽

山甲內消散

見腹部  
中脫疽

九龍丹

見前  
懸癰

陽燧錠

見首卷  
烙法

托裏透膿湯

見頭部  
侵腦疽

八珍湯

十全大補湯

補中益氣湯

五色靈藥

萬應膏

俱見潰瘍門

琥珀膏

見頭部髮際瘡

疳瘡

疳瘡統名有三原慾火未遂洩淋難房術塗藥瘤瘻紫

光亮赤腫梅毒瘰

註

此證統名疳瘡又名妬精瘡生於前陰經云前陰者宗筋之所主督經脈絡循陰器合篡間又云腎開竅於二陰是瘡生於此屬肝督腎三經也其名異而形殊生於馬口之下者名下疳生莖之上者名蛀疳莖上生瘡外皮腫脹包裹者名袖口疳瘡久而徧潰者名蠟燭疳痛引辜丸陰囊腫墜者名雞脰疳痛而多瘻潰而不深形如剝皮爛杏者名瘰癧生馬口旁有孔如棕眼眼內作癢捻之有微

膿出者名鑱根疳生楊梅時或誤用薰搭等藥以致腐爛如白者名楊梅疳又有生楊梅時服輕粉水銀打成劫藥以致便溺尿管內刺痛者名楊梅內疳諸疳原由有三一由男子慾念萌動淫火猖狂未經發泄以致敗精濁血留滯中途結而為腫初起必先淋漓溲溺澀痛次流黃濁敗精陽物漸損甚則腫痛腐爛治當疎利肝腎邪火以八正散清肝導滯湯主之一由房術熱藥塗抹玉莖洗擦



陰器傲倖不衰久頓不洩以致火鬱結腫初起陽  
物癢痛堅硬漸生疣瘡色紫腐爛血水淋漓不時  
興舉治當洩火解毒以黃連解毒湯蘆薈丸主之  
一由娼家婦人陰器瘵精濁氣未淨輒與交媾以  
致淫精傳染梅毒初起皮腫紅亮甚如水晶破流  
腥水麻癢時發腫痛日增治當解毒以龍膽瀉肝  
湯主之次服二子消毒散外通用大豆甘草湯洗  
之紅腫熱痛以鯉魚膽汁敷之損破腐爛以鳳衣

散早螺散珍珠散銀粉散回春脫疳散因證敷之  
惟楊梅疳與楊梅內疳二證多服五寶散甚效

八正散

扁蓄

生軍

各一錢

滑石

二錢

瞿麥

甘草

生

車前子

梔子

木通

各一錢

水二鍾煎八分食前服

方歌八正散清積火盛小水作淋結腫疼扁蓄軍滑瞿

麥草車前梔子木通靈

清肝導滯湯

扁蓄

四錢

滑石

二錢

甘草

一錢  
生

大黃

二錢  
便秘者用

瞿麥

三錢

水二鍾燈心五十寸煎八分空心服

方歌清肝導滯清肝熱玉莖腫疼小水澀扁蓄滑石草

大黃燈心瞿麥服通徹

二子消毒散

土茯苓

八兩

豬脂

二兩  
切碎

杏仁

炒去皮尖

殭蠶

炒

蟬蛻

各七個

牛膝

荊芥

防風

各一錢

皂角子

七個

金銀花

三錢

肥皂子

七個

豬牙皂角

一條

水八盃煎三盃作三次服如結毒服三七日自愈  
袖口疳加黃蘗一錢肥皂子倍之

楊梅疳加薏苡仁皂刺各一錢側柏葉綠豆糯米  
各三錢

楊梅內疳加海金沙五加皮白丑各一錢五分

方歌

二子消毒梅毒疳土苓豬脂杏殭蠶蟬膝荆防皂

角子銀花肥皂豬牙煎

大豆甘草湯

黑豆 一合

甘草 一兩  
生

赤皮葱 三莖

槐條 六十寸

水煎濃澄湯候溫日洗二次

方歌 大豆甘草湯神方諸般疔證洗之良止癢消疼能

解毒赤葱槐條共熬湯

鳳衣散

鳳凰衣

一錢  
雞抱卵殼

輕粉

四分

冰片 二分

黃丹 一錢

共研細末鴨蛋清調敷或乾撒亦可

方歌鳳衣散能敷潰疔輕粉冰片共黃丹化腐生肌魚

止癢鴨蛋清調痛即安

旱螺散

白田螺殼

三錢煨

輕粉 一錢

冰片

麝香 各三分

共研細末香油調敷

方歌旱螺散用易生肌潰疔癢痛俱可醫煨螺殼與輕

冰麝香油調敷去腐宜

珍珠散

珍珠

黃連  
末

黃蘗  
末

定粉

輕粉

象牙  
末

五倍子  
炒

兒茶

沒藥

乳香  
各等分

共研極細末先以米泔水洗患處再撒此藥甚效



方珍珠散治下疳瘡清熱除瘀脫腐強連藥兒茶輕

歌  
定粉五倍象牙沒乳香

銀粉散

上好錫六錢火化開入硃砂末二錢攪炒砂枯去砂  
留錫再化開投水銀一兩和勻傾出聽用定粉一兩  
研極細鋪綿紙上捲成一條一頭點火煨至紙盡為  
度吹去紙灰用粉同前錫汞再加輕粉一兩共合一  
處研成極細末先以甘草湯淋洗患處拭乾隨撒此

藥能生肌止痛收斂甚效

方歌銀粉散醫疔腐蝕莖損梅毒爛皆施錫炒硃砂水

銀入定輕二粉對研之

回春脫疳散

黑鉛五錢火化開投水銀二錢五分研不見星為度  
再加寒水石三錢五分輕粉二錢五分礞砂一錢共  
研細末先以葱艾花椒煎湯洗患處再撒此藥

方歌回春散先化黑鉛次下水銀要細研寒水礞砂輕

粉入下疳蝕爛撒之痊

五寶散

石鍾乳

四錢如乳頭下垂敲破易碎似蜻蜓翅者方真

硃砂

一錢

珍珠

二錢豆腐內煮半炷香時取出

冰片

一錢

琥珀

二錢

各研極細和一處再研數百轉磁罐密收用藥二錢加飛羅麵八錢再研和勻每用土茯苓一觔水八盞煎至五盞濾去渣作五次每次加五寶散一

分和勻量病上下服日用一七如鼻子腐爛每日  
土茯苓內加辛夷三錢煎服引藥上行忌食海腥  
牛羊鷄肉火酒煎炒房事等件

方歌

五寶散硃鍾乳珍珠珀飛羅麵細勻楊梅疳瘡結  
毒證土苓湯調服最神

黃連解毒湯

見耳部  
黑疔

蘆薈丸

見齒部  
牙齦

龍膽瀉肝湯

見腰部  
腰火丹

陰虱瘡

陰虱瘡蟲毛際內肝腎濁熱不潔生瘙癢抓紅含紫點  
若還梅毒蠟皮形

註

此瘡一名八脚蟲生於前陰毛際內由肝腎氣濁  
生熱兼淫慾失洗不潔搏滯而成瘙癢難忍抓破  
色紅中含紫點內宜服蘆薈地黃丸外用鍼挑破  
去虱隨擦銀杏無憂散易愈若毛際內如豆如餅  
發癢結如蠟皮者楊梅毒也即按楊梅毒治之

銀杏無憂散

水銀

鉛製

輕粉

杏仁

去皮尖搗膏

蘆薈

雄黃

狼毒 各一錢

麝香

一分

除水銀杏仁膏共研篩細再入銀杏同研勻先以  
石菖蒲煎湯洗之用鍼挑破去風隨用津唾調擦  
使藥氣入內愈不復發切忌牛犬鯨肉

方歌銀杏無憂散止癢熱滯毛際陰虱瘡鉛製水銀輕

粉杏蘆薈雄黃狼麝香

蘆薈地黄丸

即六味地黄丸加蘆薈五錢  
蜜炒黃蘗一兩見面部雀斑

腎囊癰

腎囊紅腫發為癰寒熱口乾焮痛疼肝腎濕熱流注此  
失治潰深露辜凶

註

此證生於腎囊紅腫焮熱疼痛身發寒熱口乾飲  
冷由肝腎濕熱下注腎囊而成初起宜服荊防敗

毒散汗之外用葱鹽熬湯燙之寒熱已退宜服清  
肝滲濕湯消解之不應者膿勢將成也急服滋陰  
內托散若氣怯食少者宜服托裏透膿湯外用二  
味拔毒散圈敷腫根膿脹痛者用卧鍼鍼之出稠  
膿者順出腥水者險宜服托裏排膿湯外用琥珀  
膏貼之俟腫消膿少痛減時用生肌散生肌玉紅  
膏以生肌斂口此癰本於肝腎發出以滋陰培補  
氣血為要生肌斂口時朝服六味地黃湯暮服人



參養榮湯滋補之甚效此證若失治潰深露臍九  
者險然不可棄而不治宜杉木灰托之蘓子葉包  
之患者仰卧靜以養之或可取效

清肝滲濕湯

黃芩

梔子

生研

當歸

生地

白芍藥

酒炒

川芎

柴胡

花粉

龍膽草

各一錢  
酒炒

甘草

生

澤瀉

木通

各五分

水二鍾燈心五十寸煎八分食前服

方歌

清肝滲濕消囊癰小水淋漓腫痛攻苓梔四物柴

花粉膽草燈甘瀉木通

滋陰內托散

當歸

熟地

白芍藥

酒炒

川芎

各一錢五分

穿山甲

炙研

澤瀉

皂刺

各五分

黃耆

一錢五分

水二鍾煎八分食前服

方歌滋陰內托將潰劑囊癰欲膿托最宜四物穿山瀉

皂刺食前煎服入黃耆

荊防敗毒散

見項部  
腦疽

托裏透膿湯

見頭部  
侵腦疽

二味拔毒散

見腫  
瘍門

托裏排膿湯

見項部  
魚尾毒

琥珀膏

見頭部  
髮際瘡

生肌散

生肌玉紅膏

人參養榮湯

俱見潰  
瘍門

六味地黃湯

即六味地黃丸改作  
煎劑見面部雀斑

腎囊風

腎囊風發屬肝經證由風濕外襲成麻癢搔破流脂水

甚起疣瘡火燎疼

註此證一名繡毬風係腎囊作癢由肝經濕熱風邪外襲皮裏而成初起乾燥癢極喜浴熱湯甚起疣瘡形如赤粟麻癢搔破浸淫脂水皮熱痛如火燎者此屬裏熱俱宜龍膽瀉肝湯服之外用蛇床子湯薰洗之洗後擦狼毒膏甚效

蛇床子湯

威靈仙

蛇床子

當歸尾

各五錢

縮砂殼

三錢

土大黃

苦參

各五錢

老葱頭

七個

水五盃煎數滾傾入盆內先薰候溫浸洗

方歌蛇床子湯洗囊風止癢消風除濕靈威靈歸尾縮

砂殼土大黃與苦參葱

狼毒膏

狼毒

川椒

硫黃

檳榔

文蛤

蛇床子

大風子

枯白礬

各三錢

共研細末用香油一茶鍾煎滾下公豬膽汁一枚

和勻調前藥擦患處

方歌

狼毒膏擦繡毬風濕癢浸淫火燎疼椒硫檳蛤床

風子枯礬豬膽油調成

龍膽瀉肝湯

見腰部經  
腰火丹

婦人陰瘡

婦人陰瘡係總名各有形證各屬經陰挺如蛇脾虛弱陰腫勞傷血分成陰蝕胃虛積鬱致陰脫憂思太過生陰癰氣血雙虛損隨證施治諸證平

註此證俱生於陰器如陰中挺出一條如蛇形者名為陰挺由脾經虛弱或產後遇怒受風所致初宜服逍遙散加荊芥防風次宜朝服補中益氣湯倍用升麻晚服龍膽瀉肝湯外以蛇床子煎湯薰洗



之如陰戶忽然腫而作痛者名為陰腫又名蚌疽  
由勞傷血分所致宜四物湯加丹皮澤瀉花粉柴  
胡服之或服秦艽湯外用艾葉一兩防風六錢大  
戟五錢煎湯薰洗如陰器外生疣瘡内生小蟲作  
癢者名為陰蝕又名蠱瘡由胃虛積鬱所致宜四  
物湯加石菖蒲龍膽草黃連木通服之若寒熱與  
虛勞相似者蟲入臟腑也宜逍遙散吞送蘆薈丸  
早晚各一服外以溺癢湯薰洗次以銀杏散塞入

陰中殺蟲止癢如陰戶開而不閉癢痛出水者名  
為陰脫由憂思太過所致宜逍遙散或歸脾湯俱  
加柴胡梔子白芍丹皮服之由產後得者補中益  
氣湯加五味子醋炒白芍服之外俱用荊芥枳殼  
訶子文蛤大劑煎湯薰洗如子宮脫出名為陰癰  
俗名癰葫蘆由氣血俱虛所致宜補中益氣湯去  
柴胡倍用升麻加益母草服之外以草麻子肉搗  
爛貼頂心再用枳殼半飴煎湯薰洗由思慾不遂

肝氣鬱結而成者必先於小便似有堵塞之意因  
而努力久之隨努而下令穩婆扶正葫蘆令患婦  
仰臥以枕墊腰吹噓藥收之收入即緊閉陰器隨  
以布帛將腿縛定內仍服補中益氣湯自愈

### 秦朮湯

秦朮 六錢

石菖蒲

當歸 各三錢

葱白五個水二鍾煎一鍾食前服

方歌

秦朮湯治蚌疽生腫痛能除效可徵石菖蒲與當

歸片食前葱白水煎成

溺瘡湯

苦參

狼毒

蛇床子

當歸尾

威靈仙

各五錢

鶴虱草

一兩

用河水十盞煎數滾濾去渣貯盆內乘熱先薰待

溫投公豬膽汁二三枚和勻洗之甚效

方歌 濁瘡殺蟲療陰蝕熬湯薰洗不宜遲苦參狼毒床

歸尾豬膽威靈鶴虱施

銀杏散

輕粉

雄黃

水銀 鉛製

杏仁 各一錢  
生用

右各研共和一處再勻每用五分棗肉一枚和丸  
用絲綿包裏線紮緊將藥入陰內留線頭在外如  
小解時將藥取出解完復入內一日一換四五箇

自愈

方歌 銀杏散醫熱下侵輕粉雄黃製水銀杏仁棗肉綿

包裹陰癢生瘡用有神

逍遙散

見背部  
上搭手

歸脾湯

見乳部  
乳中結核

補中益氣湯

見潰瘍  
門

龍膽瀉肝湯

見腰部  
纏腰火丹

四物湯


見耳部  
耳痛

盧薈丸  
見齒部  
牙衄

--	--	--	--	--	--	--	--



鶴口疽圖



鶴口疽生於尾尾高骨尖處

臀部

鵝口疽

鵝口疽生尻尾尖經屬督脈濕痰源腫如魚脰潰鵝嘴  
少壯易愈老難痊

註

此證一名銳疽生於尻尾骨尖處初腫形如魚脰  
色赤堅痛潰破口若鵝嘴屬督脈經由濕痰流結  
所致朝寒暮熱夜重日輕潰出稀膿為不足或流  
稠膿鮮血為有餘少壯可愈老弱難斂易於成漏

初起宜滋陰除濕湯以和之已成不得內消者用  
和氣養榮湯以托之氣血虛弱潰而斂遲者滋腎  
保元湯以補之若失治久而不斂者宜服先天大  
造丸兼服琥珀蠟礬丸久久收斂外治法按癰疽  
腫瘍潰瘍門

滋陰除濕湯

當歸

熟地

川芎

白芍

各一錢  
酒炒

陳皮

柴胡

知母

貝母

去心研

黃芩

各八分

澤瀉

地骨皮

甘草

各五分  
生

水二鍾薑三片煎八分食前服

方歌滋陰除濕鶴口疽退熱消痰初起宜四物陳柴知

母草澤瀉黃芩地骨皮

和氣養榮湯

人參

白朮  
土炒

白茯苓

丹皮

陳皮

熟地

當歸

黃耆  
各一錢

沉香

甘草  
各五分

水二鍾煎八分食前服

方歌和氣養榮托銳疽將膿煎服潰更宜四君丹皮陳

熟地當歸沉香共黃耆

滋腎保元湯

人參

白朮

土炒

白茯苓

當歸身

熟地

黃耆

山萸肉

丹皮

杜仲 各一錢

肉桂

附子

製

甘草

各五分  
炙

水二鍾薑三片紅棗肉二枚建蓮子七個去心煎

八分食前服

方歌滋腎保元潰後虛斂遲膿清水淋漓十全大補除

芎藭山萸附子牡丹皮

先天大造丸

人參

白朮

土炒

當歸身

白茯苓

菟絲子

枸杞

黃精

牛膝 各二兩

補骨脂

炒

骨碎補

去毛微炒

巴戟肉

遠志

各一兩  
去心

廣木香

青鹽

各五錢

丁香

三錢

以上共研末

熟地

四兩

酒煮搗膏

仙茅

浸去赤汁蒸  
熟去皮搗膏

何首烏

去皮黑豆同  
煮去豆搗膏

膠棗肉

各二兩  
搗膏

肉蓯蓉

去鱗并內膜  
酒浸搗膏

紫河車

一具白酒煮爛搗膏以  
上六膏共入前藥末內

右為細末搗膏共合一處再加煉過白蜂蜜為丸



如梧桐子大每服七十九空心溫酒送下

方歌


先天大造補氣血專治癰疽潰後虛膿水清稀難  
收斂參朮歸苓地首烏補骨青鹽骨碎補枸杞黃  
精遠菟絲巴戟仙茅丁木棗河車牛膝菴蓉俱

琥珀蠟礬丸

見腫瘍門



坐馬癰圖



坐馬癰在尻尾高骨尖界上此

坐馬癰

坐馬癰屬督脈經尻尾畧上濕熱凝高腫速潰稠膿順漫腫潰遲紫水凶

註


此證生於尻尾骨畧上屬督脈經由濕熱凝結而成高腫潰速膿稠者順若漫腫潰遲出紫水者險虛人患此易於成漏初宜艾壯隔蒜片灸之以宣通結滯令其易潰易斂內服之藥與鸛口疽同潰後內外俱按癰疽潰瘍門

隔蒜灸法

見首卷  
灸法



# 腎癰圖



腎癰在少腹之後腎肉厚處左右皆同

腎癰

腎癰證屬膀胱經堅硬悶腫濕熱凝肉厚之處遲潰斂最宜紅活高腫疼

註

此證屬膀胱經濕熱凝結而成生於臀肉厚處腫潰斂俱遲慢初宜隔蒜片艾灸服仙方活命飲消之不應者即服透膿散膿熟鍼之潰後內外治法俱按癰疽潰瘍門

隔蒜灸法

見首卷灸法




仙方活命飲

透膿散

俱見腫  
瘍門



# 上馬癱下馬癱圖



上馬癱在左腎之下指紋中

下馬癱在右腎之下指紋中

上馬癰 下馬癰

上馬癰與下馬癰上左下右摺紋生膀胱濕熱憂憤起  
黑陷屬重高腫輕

註

此證生於臀肉之下摺紋中屬膀胱經濕熱又魚  
七情不和憂憤凝滯而成初起如粟黃膿小皰漸  
生焮痛寒熱往來高腫紅亮為輕平陷黑硬為重  
初服荊防敗毒散以退寒熱次服內托羌活湯膿  
勢將成服托裏透膿湯其餘內外治法俱按癰疽

潰瘍門

內托羌活湯

羌活

黃蘗

各二錢  
酒炒

黃耆

一錢五分

當歸尾

陳皮

蒙本

連翹

蒼朮

炒

甘草

炙

防風

各一錢

肉桂

三分

水一鍾酒半鍾煎八分食前服

方歌內托羌活宣堅硬燥濕能托腎下癰歸黃陳藥同

甘草藁本連翹蒼桂風


荆防敗毒散

見項部  
腦疽

托裏透膿湯

見頭部  
侵腦疽

涌泉疽圖



涌泉疽生在尻骨之前肛門之後

涌泉疽


涌泉疽生尻骨前形如伏鼠腫痛堅督脈濕熱潰破險少壯易愈老弱難

註

此證生尻骨之前長強穴屬督脈經首穴由濕熱凝結而成初腫堅硬疼痛狀如伏鼠十日可刺得白膿者順潰遲青膿者險紫黑水者逆內治法同鵝口疽外治潰後按癰疽潰瘍門少壯者得此易愈老年氣衰弱者多成冷漏難痊



臟 毒 圖



臟毒生在肛門兩旁

臧毒

臧毒毒注在肛門內外虛實各有因醇酒厚味兼辛苦外屬陽分內屬陰

註

此證有內外陰陽之別發於外者由醇酒厚味勤勞辛苦蘊注於肛門兩旁腫突形如桃李大便秘結小水短赤甚者肛門重墜緊閉下氣不通刺痛如錐鍼數有力多實多熱屬陽易治宜服一煎散通利二便苦提露搽之腫痛仍前不全退者膿將

成也宜服托裏透膿湯膿脹痛鍼之膿出之後治  
同潰瘍門發於內者兼陰虛濕熱下注肛門內結  
壅腫刺痛如錐大便虛閉小水淋漓寒熱往來遇  
夜尤甚脈數微細為虛為濕屬陰難治宜服五灰  
散膿毒自然潰出膿生遲者服十全大補湯托之  
潰後按潰瘍門

一煎散

當歸尾

穿山甲

炙研

甘草

生

桃仁泥

皂角刺

各二錢

川黃連

一錢五分

枳殼

麸炒

檳榔

天花粉

烏藥

赤芍

生地

白芷

各一錢

元明粉

大黃

各三錢

紅花

五分

水二鍾浸一宿次早煎一滾空心服俟行三四次

以稀粥補之

方歌 一煎散消臟毒方歸甲甘連桃枳榔天花皂刺紅

烏藥芍地元明芷大黃

菩提露

熊膽 三分

冰片 一分

涼水十茶匙調化開搽於患處甚效

方歌 菩提露消積熱痛臟毒堅疼焮腫增水調熊膽加

冰片搽於患處毒漸輕

五灰散

血管鷺毛

血餘

蜈蚣

穿山甲

生鹿角

各燒存性

各等分研細共合勻每服五錢空心溫黃酒調下

方歌

五灰散用鷺管毛血餘蜈甲鹿角燒臍毒腫痛肛

門內每服五錢黃酒調

托裏透膿湯

見頭部  
侵腦疽


十全大補湯

見潰瘍門

--	--	--	--	--	--	--	--




痔氣



痔攻血



痔子蓮




痔花翻




痔母子



痔腸瘡



痔肛脫



痔肉蜆



痔雄雌



痔內



痔腸泊



痔珠懸



痔冠雞



痔桃櫻



痔心雞



痔腸盤



痔窠蜂



痔珊瑚



痔奶牛




痔子栗




痔花蓮




痔角菱



痔尾鼠



痔桃核



痔瘡

痔瘡形名亦多般不外風濕燥熱源肛門內外俱可發潰久成漏最難痊

註

此證係肛門生瘡有生於肛門內者有生於肛門外者初起成癰不破者為痔易治破潰而出膿血黃水浸淫淋瀝久不止者為漏難痊斯證名因形起其名雖有二十四種總不外乎醉飽入房筋脈橫解精氣脫泄熱毒乘虛下注或憂思太過蘊積

熱毒憤鬱之氣致生風濕燥熱四氣相合而成如  
結腫脹悶成塊者濕盛也結腫痛如火燎二便閉  
者大腸小腸熱盛也結腫多癢者風盛也肛門圍  
遶摺紋破裂便結者火燥也初俱服止痛如神湯  
消解之外俱用菩提露或田螺水點之若堅硬者  
以五倍子散唾津調塗之兼用朴消葱頭煎湯洗  
之頂大蒂小者用藥線勒於痔根每日緊線其痔  
枯落隨以月白珍珠散撒之收口亦有頂小蒂大

者用枯痔散枯之內痔不出者用喚痔散填入肛  
門其痔即出隨以朴消葱頭煎湯洗之又有因勤  
苦勞役負重遠行以致氣血交錯而生痔者俱用  
止痛如神湯加減服之又有血箭痔生肛門或裏  
或外堵塞墜腫每逢大使用力則鮮血急流如箭  
不論糞前糞後由腸胃風熱而兼暴怒成之初服  
生熟三黃丸若唇白面色痿黃四肢無力屬氣血  
兩虛宜十全大補湯倍川芎參耆服之外用自已

小便洗之童便熱洗亦可其血自止亦有腸風下血點滴而出糞前者宜防風秦艽湯糞後出血者為酒毒宜服苦參地黃丸效後必多服臍連丸二三料除根又有產後用力太過而生痔者宜補中益氣湯加桃仁紅花蘓木服之又有久瀉久痢而生痔者宜補中益氣湯加槐花皂莢子煨末服之如痔已通腸污從漏孔出者用胡連追毒丸酒服之服後膿水反多者藥力到也勿以為懼如漏有

管者用黃連閉管丸服之可代鍼刀藥線之力凡  
痔未破已破及成漏者俱用却毒湯燙洗或用刺  
叭花煎湯日洗二次刺叭花即土地黃苗魚戒房  
勞河豚海腥辛辣椒酒等物有久患痔而後咳嗽  
者取效甚難久病咳嗽而後生痔者多致不救

止痛如神湯

秦艽

去苗

桃仁

去皮尖研

皂角子

各一錢  
燒存性研

蒼朮

米泔水浸炒

防風

各七分

黃蘗

五分  
酒炒

當歸尾

酒洗

澤瀉

各三分

檳榔

一分

熟大黃

一錢二分

右除桃仁皂角子檳榔用水二鍾將羣藥煎至一  
鍾再入桃仁皂角子檳榔再煎至八分空心熱服  
待少時以美饍壓之不犯胃也忌生冷五辛火酒  
硬物大料濕麪之類

如腫有膿加白葵花

五朵  
去蕊心

青皮

五分

木香

三分

則膿從大便出也

如大便秘甚倍大黃加麻仁枳實

如腫甚倍黃蘗澤瀉加防己豬苓條苓

如痛甚加羌活郁李仁

如癢甚倍防風加黃耆羌活麻黃藁本甘草

如血下倍黃蘗多加地榆槐花荆芥穗白芷

如小便澀數不通者加赤茯苓車前子燈心扁蓄

方歌  
止痛如神諸痔瘡風濕燥熱總能防歸藥桃柳皂



角子蒼朮羌風澤大黃

田螺水

大田螺一枚用尖刀挑起螺厖入冰片末五釐平  
放磁盤內待片時螺竅內滲出漿水用雞翎蘸點  
患處勤勤點之其腫自然消散

方歌田螺水點痔瘡效冰片裝入田螺竅少時化水取  
點瘡止痛消腫有奇妙

五倍子散

用川文蛤大者一枚敲一小孔用陰乾荔枝草搗碎塞入文蛤內令滿用紙塞孔濕紙包煨片時許取出去紙研為細末每一錢加輕粉三分冰片五釐共研極細末唾津調塗患處

方歌

五倍子散痔痛墜堅硬腫疼立刻揮輕粉冰片各研細荔枝草入蛤中煨

藥線

芫花 五錢

壁錢 二錢

用白色細衣線三錢同芫花壁錢用水一盃盛貯  
小磁罐內慢火煮至湯乾為度取線陰乾凡遇痔  
瘡瘻瘤頂大蒂小之證用線一根患大者二根雙  
扣繫緊患處兩頭留線日漸緊之其患自然紫黑  
冰冷不熱為度輕者七日重者十五日後必枯落  
以月白珍珠散收口甚效

方歌藥線芫花共壁錢再加白扣線同煎諸痔瘻瘤繫

根處生似葦形用此捐

枯痔散

天靈蓋

用童子者佳又用青線水將天靈蓋浸片時撈出以火煨紅再入青線水內淬之如此七

次淨用  
四錢

砒霜 一兩

白礬 二兩  
生

輕粉 四錢

蟾酥 二錢

共為極細末入小新鐵鍋內上用粗磁筥密蓋鹽泥封固炭火煨至二炷香待冷揭開筥將藥研末搽痔上每日辰午申三時用溫水洗淨患處上藥

三次上至七八日其痔枯黑堅硬住藥裂縫待其  
自落

方歌 枯痔天靈蓋煨淬砒礬輕粉共蟾酥入鍋盪蓋泥

固煨痔瘡新久搽皆除

喚痔散

枯白礬 五分

食鹽 三分炒

草烏 生

刺蝟皮 各一錢煨存性

麝香 五分

冰片 二分

共研細末先用溫水洗淨肛門隨用唾津調藥三錢填入肛門片時即出

方歌 喚痔散把內痔呼刺蝟皮鹽麝草烏冰片枯礬同

研細津調填入片時出

生熟三黃湯

生地

熟地 各一錢五分

黃連

黃蘗

黃芩

人參

蒼朮

米泔水浸炒

白朮

土炒

厚朴

薑炙

當歸身

陳皮

各一錢

地榆

防風

澤瀉

甘草

各六分  
生

烏梅

二個

水二鍾煎八分食前服

方歌

生熟三黃連藥參蒼朮厚朮共歸陳榆風澤瀉烏

梅草耑醫血箭痔如神

防風秦朮湯

防風

秦朮

當歸

生地

白芍

酒炒

川芎

赤茯苓

連翹

各一錢  
去心

梔子

生研

蒼朮

米泔水浸炒

槐角

白芷

地榆

枳殼

麩炒



檳榔

甘草

生各六分

水二鍾煎至八分食前溫服

如便秘者加大黃

方歌防風秦朮治腸風墜腫津血最止疼四物梔蒼槐

角芷地榆枳草翹檳苓

苦參地黃丸

苦參

切片酒浸濕蒸曬九次為度炒黃為末淨一觔

生地黃

四兩酒浸一宿蒸熟搗爛和入苦參末內

加煉過蜂蜜為丸如梧桐子大每服三錢白滾水送下或酒下亦可日服二次

方歌

苦參地黃糞後紅皆因酒毒熱來攻二味酒蒸蜂蜜煉為丸水送最有功

### 臍連丸

黃連

八兩研淨末

公豬大腸

肥者一段長一尺二寸水洗淨

右二味將黃連末裝入大腸內兩頭以線紮緊放砂鍋內下煮酒二觔半慢火熬之以酒乾為度將

藥腸取起共搗如泥如藥濃再曬一時許復搗為丸如梧桐子大每服七十九空心溫酒送下久服

除根

方歌臟連丸用川黃連研入豬腸煮酒煎搗爛為丸溫

酒服便血肛門墜腫痊

胡連追毒丸

胡黃連

切片薑汁拌炒研末

刺蝟皮

各一兩炙切片再炒黃研末

麝香

二分研細

共和一處研勻軟飯為丸如麻子大每服一錢食  
前溫酒送下

方歌胡連追毒丸醫痔成漏通腸服最宜連麝蛻皮飯

丸服排盡瘀膿換好肌

黃連閉管丸

胡黃連

一兩  
淨末

穿山甲

香油內  
炸黃

石決明

煨

槐花

各五錢  
微炒

共研細末煉蜜為丸如麻子大每服一錢空心清

米湯送下早晚服二次至重者不過四十日而愈  
如漏四邊有硬肉突起者加殭蠶二十條炒研末  
入藥內及徧身諸般漏證服此方皆可有效

方歌

黃連閉管丸穿山石決槐花共細研能除漏管米  
湯送蜜丸麻子大一般

却毒湯

瓦松

馬齒莧

甘草

各五錢生

川文蛤

川椒

蒼朮

防風

葱白

枳殼

側柏葉 各三錢

焰消 一兩

水五盞煎三盞先薰後洗日用三次

方歌却毒湯洗痔漏效瓦松甘草蛤川椒茵苋蒼風葱

枳殼栢葉同熬加焰消

菩提露

見臟毒

月白珍珠散

十全大補湯


補中益氣湯

俱見潰瘍門





坐板瘡圖



坐板瘡生於臀腿之間


坐板瘡

坐板瘡在臀腿生形如黍豆癢焮疼暑濕熱毒凝肌肉  
初宜燙洗油撚烘

註

此證一名風疔生於臀腿之間形如黍豆色紅作  
癢甚則焮痛延及谷道勢如火燎由暑令坐日曬  
几凳或久坐陰濕之地以致暑濕熱毒凝滯肌肉  
而成初宜芫花川椒黃蘗熬湯燙洗即消或毒盛  
癢痛仍不止者宜用油缸青布三指寬一條香油

調雄黃末一錢攤於布上捲之燃着吹滅焰頭向  
瘡烘之其癢痛即止甚效



御纂醫宗金鑑卷六十九